

Gion Antoni Huonder : ni Co in pievel emblida siu poet naziunal

Autor(en): **Decurtins, Giusep**

Objekttyp: **Article**

Zeitschrift: **Schweizerische Chorzeitung = Revue suisse des chorales =
Rivista svizzera delle corali = Revista dals chorus svizzers**

Band (Jahr): - **(1993)**

Heft 11

PDF erstellt am: **29.05.2024**

Persistenter Link: <https://doi.org/10.5169/seals-1044144>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Cantun rumantsch

Gion Antoni Huonder

da Giusep Decurtins

Huonder veva il num dad esser in student intelligent e luvrus – sia veta. (l.part).

Naschius ei Gion Antoni Huonder ils 18 da november 1824 a Segnes. Leu ed a Muster ha el frequentau las scolas primaras. Il gimnasi ha el entschiet en claustra a Muster e terminau a s.Gagl. 1844 eis el serendius cun auters amitgs romontschs a Minca.

Leu ha el igl emprem studiau ella facultad filosofica e silsuenter en quella da giurisprudenza. Tochen encheu pia in svilup ed in studi cun-tinuau e regular. Huonder veva il num dad esser in student intelligent e luvrus.

Il PUR SUVERAN ensemes cun A TRUN SUT IGL ISCHI ein duas canzuns ch'expriman tenor Caspar Decurtins en fuorma classica «il pli ault ed il pli sublim ch'il pievel romontsch ha sentiu el decuors dils tschentaners». Decurtins termimescha siu artechel sur Gion Antoni Huonder - Ischi V,1901 - culs plaids: «Ellas vegnian a cuzzar aschi ditg sco la faviala romontscha resuna ord bucca viven- ta. Aschi ditg vegn era il pievel romontsch a seregurdar da siu poet: Anton Huonder.»

Dalla generaziun mesauna/giuvna
eis ei mo paucs
ch'enconuschan il num:
Gion Antoni Huonder.

La canzun IL PURSUVERAN (Que ei miu grep, quei ei miu crap, cheu tschentel jeu miu pei..) ei aunc oz enconuschenta dapertut, ella vegn adina puspei giavischada e cantada. Sch'ins damonda denton tgi che hagi scret il text tier quella canzun, lu vegnan ils biars en perfetg. Dalla generazion mesauna e giuvna eis ei mo paucs ch'enconuschan il num: Gion Antoni Huonder e quei malgrad che Huonder vegn magari numnaus nies poet naziunal. In pign indezi per quella pretensiun po in test fatgs cun scolars romontschs alla Scola cantunala (ca.16 onns) dar. Suenter haver udiu la canzun IL PUR SUVERAN han da 16 scolars buca in saviu numnar igl autur dil text.

Tgi ei pia quei Gion Antoni Huonder? Daco ha el survegniu quei tetel d'honur? Pertgei enconuschan ins oz strusch pli el? Quei ein damondas che anflan forsa ina risposta ellas proximas Revistas dils chors svizzers (RCS).

facsimile dil «Pur suveran», cumponius ils 1901 da Hans Erni



Gion Antoni Huonder

1847 dat ei gl'emprem incap: Ensem en cun ses amitgs svizzers sto Huonder bandunar la capitala bavaresa. Il retg Duitg I favorisava gia dapi entgin temps la saltunza spagnola, Lola Montez, la quala el leva alzar el stan da noblezia. Ils Svizzers ed era Huonder vevan mussau forsa memia aviartamein lur indignaziun ed han perquei stuiu far la valischa.



Sch'ins stuess buca seligiar per schi ditg vid il stan militar, sche mass jeu ad interim tier la garda republicana...

La situaziun da Huonder vegn aunc engreviada tras la mort da siu bab. Sia mumma era gia morta tochen ch'el fuva aunc in buob da nov onns. Gion Antoni lai denton buca pender las alas e serenda il schaner 1848 a Paris per seperfeciunlar el lungatg franzos. Puspei disclelg: El capeta enamiez la revoluziun dil fevrer. Dad ina vart ei quei bein stau in eveniment extraordinari ed interessant, da l'autra era ei finiu cun in studi regular ed era las pusseivladads da far carriera eran quasi svanidas. Ils 25 da matg 1848 scriva Huonder denter auter il suandont a siu frar Stiafen:

«Tscheu a Paris ei dil fevrer naven adina canera, tumult e disuorden. Ils 15 da matg eisi puspei rut ora nunspitgadamein ina revoluziun. Entuorn 40 tochen 50 melli communists, carolists e luvrers, instigai d'enzacons umens ambizius, ein serimnai ensem, han scatschau ils ministers, spatitschau ils deputai dalla Frontscha e derschiu il guovern. Tut quei ei stau il resultat d'in mument, d'in'ura.

Denton che quella canaglia eran occupai da numnar in auter guvern, ei la garda naziunala da Paris serimnada (la quala dumbra dil fevrer naven 300'000 umens, essend che tuts Franzos a Paris ein obligai d'esser dalla garda), la truppa dils forts ei seconcentrada el marcau e seunida culla garda, ils revoluziunaris ein vegni siglentai sin tuts mauns, ils stigaders e menanders arrestai, ed ils ministers, ils deputai ed il guvern ein puspei vegni mess en lur funcziuns. Tut quei ei stau il resultat da miez in di, e schon la medema sera havevan las diversas vias da fier menau neutier imposantas massas da truppa, aschia ch'ei era ils 15 da matg las 8 dalla sera denter 4 tochen 500'000 umens a Paris sut las armas. – Ti pos cumprender quei tumult e quei disuorden ed il prighel da rauba e dalla veta. La consequenza da quellas rebellions ei la mort dil commerci e dall'industria, e perquei dat ei era negina lavur e neginas pazzas. La suletta via e carriera che sesarva ei quella da militer, essend che ei vegn organisau sgarscheivolas massas da truppa. Sch'ins stuess buca seligiar per schi ditg vid il stan militar, sche mass jeu ad interim tier la garda republicana, tochen ch'ei sesarvess

in'autra porta per mei; mo inagada ligaus, vegn ins buca libers pli; sch'ei semuossa denton buca da cuort auters aspects, sche hai jeu buca pli letgas.»

Huonder tuorna denton aunc quei onn anavos en Svizra. In motiv da siu retuorn ei bein sia spusa Onna Anstad da Beckenried, ch'el veva emprui d'enconuscher igl onn avon a caschun dalla fiesta centrala dalla «Societad da students svizzers» a Lucerna. Pil mument pren Huonder dimora a Cuera.

(continuaziun suonda).

Negliu ein ils Romontschs pli jasters e nuninteressai in da l'auter che sil sectur dil cant!

**Daco quei translatem vidaneu,
d'in idiom en l'auter?**